

## ՊԱՅՄԱՆԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ  
ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ ԼԵՈՆՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ  
ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ ՄԻՋԵՎ  
ԳԻՏԱՏԵԽՆԻԿԱԿԱՆ ՈԼՈՐՏՈՒՄ ՀԱՄԱԳՈՐԾԱԿՑՈՒԹՅԱՆ ՄԱՍԻՆ

ք. Ստեփանակերտ

«15» Հոկտեմբերի 2009թ.

ՀՀ կրթության և գիտության նախարարության գիտության պետական կոմիտեն՝ ի դեմս կոմիտեի նախագահ Ս. Հարությունյանի, որը գործում է ՀՀ կրթության և գիտության նախարարության գիտության պետական կոմիտեի կանոնադրության հիման վրա՝ մի կողմից և ԼՂՀ կրթության և գիտության նախարարությունը՝ ի դեմս նախարար Վ.Խաչատրյանի, որը գործում է ԼՂՀ կրթության և գիտության նախարարության կանոնադրության հիման վրա՝ մյուս կողմից (այսուհետև՝ կողմեր), ելնելով ՀՀ կառավարության և ԼՂՀ կառավարության համագործակցության ծրագրից, ինչպես նաև ՀՀ կրթության և գիտության նախարարության և ԼՂՀ կրթության և գիտության նախարարության միջև կրթության բնագավառում 2007-2010թթ. համագործակցության գործնական ծրագրից, կնքեցին սույն պայմանագիրը՝ համատեղ գիտահետազոտական, նախագծատեխնոլոգիական աշխատանքների իրականացման մասին (այսուհետև՝ աշխատանքներ):

### 1. ԸՆԴՀԱՆՈՒՐ ԴՐՈՒՅԹՆԵՐ

- 1) Կողմերը կնքելով սույն պայմանագիրը՝ նպատակ ունեն.
  - ա. Աջակցել բնագիտական, տեխնիկական և հումանիտար գիտությունների բնագավառներում իրագործվող հիմնարար, կիրառական բնույթի համատեղ աշխատանքներին,
  - բ. Համատեղ ֆինանսավորել անկախ փորձաքննության արդյունքների հիման վրա մրցութային հիմունքներով ընտրված հիմնարար, կիրառական գիտական հետազոտությունների նախագծերը,
  - գ. Աջակցել երիտասարդ գիտնականների կողմից իրականացվող հիմնարար, կիրառական գիտահետազոտական աշխատանքներին, կադրերի վերապատրաստմանը,
  - դ. Միմյանց աջակցել գիտական նյութերի և գրականության փոխանակման հարցում,
  - ե. Միմյանց օժանդակել գիտական փորձաքննության իրականացման, այս գործընթացում առաջատար գիտնականների ներգրավման հարցում,
  - զ. Աջակցել համատեղ գիտաժողովների, դասընթացների, սեմինարների և այլ գիտական միջոցառումների անցկացմանը:
- 2) Դեկլարավելով գործող օրենսդրությամբ՝ կողմերը լուծում են համատեղ նախագծերի իրականացման ընթացքում ստեղծված մտավոր սեփականության հնարավոր պաշտպանության հարցերը:

### 2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱՎՈՐՈՒԹՅՈՒՆՆԵՐԸ

- 1) Կողմերը պարտավոր են՝
  - ա. Ժամանակին մշակել և ՀՀ և ԼՂՀ կառավարությունների հաստատմանը ներկայացնել համատեղ աշխատանքների նախագծերը,
  - բ. Ապահովել իրենց բաժին աշխատանքների ֆինանսավորումը,

- գ. Ապահովել աշխատանքների որակյալ և ժամկետային կատարումը,
  - դ. Կողմերի գիտական խորհուրդներում քննարկել թեմաները և կատարվող աշխատանքների արդյունքների մասին փոխանակել տեղեկատվություն,
  - ե. Աշխատանքների կատարման ընթացքում և դրանց ավարտից հետո ներկայացնել տեղեկատվական հաշվետվություններ,
  - զ. Աջակցել ավարտված աշխատանքների ներդրմանը,
  - է. Հրապարակել համատեղ ավարտած աշխատանքների արդյունքները:
- 2) Կողմերից յուրաքանչյուրն իրավունք ունի՝
- ա. Ծանոթանալ կատարվող աշխատանքներին և անհրաժեշտության դեպքում հաստատված կարգով մշակել ծրագրի վերանայման առաջարկություններ,
  - բ. Մյուս կողմի համաձայնության դեպքում հրապարակել աշխատանքների արդյունքները,
  - գ. Անհրաժեշտության դեպքում ճշտել մասնակիցների, կատարողների կազմն ու քանակը, ինչպես նաև իրենց բաժին աշխատանքների ֆինանսավորման ծավալը:

### 3. ԱՅԼ ԴՐՈՒՅԹՆԵՐ

- 1) Սույն պայմանագիրը ուժի մեջ է ստորագրման պահից:
- 2) Սույն պայմանագրում փոփոխություններ և լրացումներ կարող են կատարվել միայն կողմերի համաձայնությամբ, որը կնքվում է գրավոր:
- 3) Սույն պայմանագիրը կնքվում է երեք տարի ժամկետով և ինքնաբերաբար կերկարաձգվի յուրաքանչյուր հաջորդ երեք տարվա համար, եթե կողմերից որևէ մեկը սույն պայմանագրի գործողության ժամկետի ավարտից վեց ամիս առաջ մյուս կողմին գրավոր չձանուցի այն դադարեցնելու իր մտադրության մասին:
- 4) Սույն պայմանագիրը կնքված է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

### 4. ԿՈՂՄԵՐԻ ՀԱՍՑԵՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՀՀ կրթության և գիտության  
նախարարության գիտության պետական  
կոմիտե  
ք. Երևան, Օրբելի եղբ. փ. 22

ԼՂՀ կրթության և գիտության  
նախարարություն  
ք. Ստեփանակերտ,

Նախագահ՝ Գ. Կարությունյան

Նախարար՝ Վ. Խաչատրյան